

Toletana Canonatus super declaratoria.

21

Reu. Pater, **P**ro expeditione rescribendum omnino videtur, quia contumacia Reuerendissimi Capituli non potest esse magis conspicua, proterua, & inescutabilis, nam post extraditam possessionem vigore litterarum exequutorialium impugnatur fructuum solutionem, quasi quod hoc Sacrum Tribunal in litteris exequutorialibus demandasset extradi Principali possessionem Canonatus sine effectu, & de vento, non autem veram, realem, corporalem dicti Canonatus possessionem, & omnium illius fructuum, reddituum, prouentuum, distributionum, & emolumentorum, quorumcumque, ut liquet ex *Summario reassumend. num. 2. litt. N. circa finem, vers. & pro effectu exequutionis huiusmodi*, quod reperitur etiam *d. Summ. num. 2. litt. 000.*, & passim in dictis litteris exequutorialibus, quo circa si in litteris exequutorialibus decretum fuit, ut Principali extraderetur possessio Canonatus plenaria, idest cum omnibus fructibus, redditibus, prouentibus, & distributionibus, vtrique Reuerendissimum Capitulum recusando posttraditam possessionem extrudere fructus, & prouentus d. Canonatus d. Principali, non potest maiori contumacia non obtemperare litteris exequutorialibus, idcirco frustra d. exaduersò Scribens euitare prætendit relaxationem declaratoriarum sub prætextu, quod non adsit contumacia, & positiua inobedientia, cum contumacia, & positiua inobedientia non possit esse magis conspicua.

Nec dicta contumacia, & inobedientia adeo clara euitare potest sub prætextu, quod in litteris exequutorialibus Capitulum fuerit condemnatum ad restituendum fructus à die denegatae possessionis vsque ad actualem Canonatus possessionem; Etenim sententia, & exequutoriales duas habent partes; In prima enim mandatum fuit, ut Capitulum extraderet Principali possessionem veram, realem d. Canonatus, eiusque fructuum, reddituum, prouentum, distributionum, & quorumcumque emolumentorum; In secunda parte condemnauit Capitulum ad restituendum fructus, & emolumenta dicti Canonatus decursos à die denegatae possessionis, scilicet à die 2. Ianuarij 1713. vsque ad effectiuam, & actualem d. Canonatus possessionem pro quorum restitutione pariter necesse fuit declaratoriam expedire, quocirca licet Reuerendissimum Capitulum ad effugiendam

publicationem declaratorię paruerit huic secundę parti sententiarum, & exequutorialium, pro quibus necessaria fuit, vt dixi; expeditio declaratorię, non tamen obtemperauit primę parti extradendo Principali possessionem realem, corporalem, & effectiuam dicti Canonatus vna cum fructibus, emolumentis, distributionibus, ad dictum Canonatum spectantibus, & proinde ad hoc, vt Reuerendissimum Capitulum huic primę parti obtemperare cogatur decreta fuit declaratoria, prout necesse fuit, vt hoc Sacrum Tribunal illam decerneretur vt Reuerendissimum Capitulum obtemperaret dictę primę parti.

Neque dicatur quod non possit considerari inobedientia respectu fructuum, post possessionem decursorum, ex quo super illis non adit expressum præceptum Iudicis, nam hoc in facto non subsistit; cum quemadmodum in sententijs hoc Sacrum Tribunal concesserit Principali immisionem in quasi possessionem Canonatus, eiusque fructuum reddituum, & prouentuum, vt ex *Summario principali num. 2. litt. N.*, & passim in dictis litteris exequutorialibus, & subindè Iudex mandauerit quod si omnibus, & singulis contentis in dicta sententia non adimpleuerit realiter, & cum effectu, decreta fuerunt censura, dicto *Summario num. 2. litt. R.*, & plenius in eodem *Summario num. 2. litt. OO.* vnde contumacia, & inobedientia Capituli litteris exequutorialibus nequit esse magis clara, dum prætendunt extradidisse possessionem nudam, & vacuam, non autem possessionem veram realem, & actuaalem, vna cum fructibus, & emolumentis quibuscumque, prout in litteris exequutorialibus litteris rotundis demandatum fuit.

Neque vltius vrget, quod licet demandata per exequutoriales possessione Canonatus, sub illis etiam veniant de lure fructus post possessionem, nihilominus super solutione fructuum post traditam possessionem, non adest positium Iudicis præceptum, Sed in hoc est æquiuocum manifestum, quia Sacra Rota non decreuit simpliciter favore Principalis nudam, & simplicem possessionem, sed decreuit possessionem plenariam, scilicet veram, realem, actuaalem, & etiam expressè, & specificè decreuit possessionem vna cum omnibus, & singulis illius fructibus, redditibus, emolumentis, distributionibus, & alijs quibuscumque emolumentis, prout suprà probatum fuit, ideoque licet Reuerendissimum Capitulum extradiderit Principali possessionem Canonatus, nihilominus si prætendit, quod dicta possessio esse non debeat plenaria, & vigore illius extradere post possessionem fructus, vtique
ma-

manifestè contradicit præcepto litterarum exequutorialium, ut de se patet.

Frustrà autem exaduerso prætenditur, quod ubicumque concurrat dubietas ex facto extrinseco, an scilicet de Iure fructus post possessionem veniant solvendi, tunc resultat excusatio ad evitandam penam Censuram.

Et enim RR. PP. omnes istæ sunt ideatæ quæstiones adinuentæ, nam si huiusque Dominus exaduerso Scribens specificando prætensionem Capituli probare conabatur contrà facti veritatem, quod sub litteris exequutorialibus non veniant fructus decursi post extraditam possessionem, quasi quod in litteris exequutorialibus demandata fuisset extraditio possessionis materialis, verbalis, & de vento, non autem extraditio possessionis plenariæ, cum fructuum perceptione, nunc prætendit adesse causas propter quas fructus non debeantur; & nihilominus quacumque exceptione non obstante decernenda est expeditio declaratoriæ, nam tunc, & eo casu posset Reuerendissimum Capitulum evitare declaratoriam sub prætextu, quod fructus non debeantur post extraditam possessionem ex aliqua causa extrinseca, quoties in termino ad docendum de partitione in actis comparuisset, & paratum se exhibuisset ad parendum litteris exequutorialibus, & fructus decursos persolvere post extraditam possessionem, & deposuisset aliquam summam, atque se obligasset soluere residuum postquam ab hoc Sacro Tribunali resolutum fuisset esse debitos, & facta illorum liquidatio, sine qua partitione legitime facta in actis nunquam evitare potest declaratoria sub prætextu, quod fructus non debeantur, siue quod sint illiquidi, ut probat *Rot. dec. 254. nu. 8. par. 6. Adden. ad Baratt. decis. 17. num. 6. & respondit Rot. in hac eadem Causa coram Reuerendissimo Ponente 14. Ianuarij 1724. S. Minusque super declaratoria*; Idcirco frustrà, non facta dicta partitione, contendit evitare declaratoriam sub vanis, & insubsistentibus prætextibus ad causæ opportunitatem, & ingeniosis adinventionibus repertis, nam prima exceptio, quod scilicet Capitulum non teneatur fructus Principali persolvere, ex quo in Capitulo non docuerit emisisse fidei professionem juxta legem expressam *Sac. Concil. Trident. sess. 24. cap. 12. de reformat. ibi = Alioquin prædicti omnes prouisi, ut supra fructus non faciant suos, nec illis possessio suffragetur*.

Respondemus enim quod cum Reuerendissimum Capitulum prætendat non soluere fructus, ex quo Principalis Fidei professionem non emisit, juxta formam præscriptam in Concilio Tridentino, utique ipse tenetur probare tanquam fundamentum

sub intentione negatiuam quod Principalis Fidei professionem non emisit, & non reperiet Pars aduersa aliquam auctoritatem, qua probari possit, quod Prouisus, ut possit à Capitulo percipere fructus sui Canonatus, teneatur coram eo docere, quod Fidei professionem emisit, cum de ea doceri dumtaxat debeat suo Superiori, scilicet Episcopo, postquam ab eo fuerit requisitus ita ut Episcopo, & non alteri possessor Canonatus teneatur docere, quod emisit fidei professionem, ut in specie, & indiuidualiter probant *Garz. de Benef. par. 3. cap. 3. num. 48. cum seqq. Ricciul. de Iur. Person. extra gremium Eccles. lib. 1. cap. 13. n. 40. Barbos. de Canonic. cap. 17. num. 18. & ad Concil. sess. 24. cap. 1. num. 24.*

Utrà quod liquet ex Instrumentis productis Procuratorem D. Principalem Fidei Professionem emisisse, & iurasse Statuta Ecclesie ante captionem possessionem, ut ex *Summ. num. 2. lit. G G G. G G.* & probat nostra Decisio S. Vndique.

Non obstante, quod attestatio d. Notarij, qui fuit Notarius transmissus à Reuerendissimo Nuntio Hispaniarum vnus ex Receptoribus d. Tribunalis non probet fidei professionem fuisse emissam ex quo non testatur de actu à se rogato, nam d. Notarius rogatus fuit de omnibus actus gestis occasione qua fuit extradita Procuratori speciali D. Principalis d. Canonici possessioni, & quemadmodum in ceteris omnibus fuit illi prestita fides, proinde etiam si alterna exceptione, quod non constet illam fuisse emissam iuxta prescriptum Bullæ Pij IV. nam cum tam actus professionis fidei quam actus iuramenti prestiti super obseruantia Statutorum inter ipsos facti fuerunt, & iste actus est registratus in actibus Capitularibus, utique teneatur Capitulum illum producere, & ex eo probare fidei professionem, non fuisse emissam iuxta formam prescriptam à Bulla Pij IV. iuramentum enim super Statutorum obseruantia, & professio fidei facta fuit de mandato Capituli, & facta fuit eodem modo, & forma quibus, fit per alios Canonicos d. Ecclesie, & proinde calumniosa penitus videtur huiusmodi exceptio.

Sicut quoque calumniosa est exceptio, quod non constet Procuratorem specialiter deputatum à Principali obtinuisse speciale facultatem emittendi fidei professionem, & iurandi statuta Ecclesie, nam cum dictum mandatum fuerit Reuerendissimo Capitulo presentatum, utique si ille non habuisset omnes facultates legitimas, & speciales, Reuerendissimum Capitulum dictum mandatum non acceptasset, neque d. Procuratori possessionem extradidisset, & quia habuisset legitimam causam, non extradendi pos-

sessionem si aliqua clausula in dicto mandato defecisset, ideo eo ipso, quod fuit presentatum Procuratori mandatum Reuerendissimo Capitulo, & ab eo admissum, & d. Procuratori emittere fecerunt fidei professionem, & iurare fecerunt obseruantiam Statutorum Ecclesie, utique nequit in presenti contra dictum mandatum aliqua exceptio opponi per idem Capitulum, quod dictum mandatum ut legitimum admisit, praterquam quod ad effectum ut Procuratori censeatur data facultas e mittendi professionem fidei sufficit fuisse constitutum Procuratorem ad effectum capiendi possessionem Canoniciatus, quia tunc implicite censetur data facultas emittendi fidei professionem cum sine prauia emissionem professionis fidei non tenetur Capitulum extradere possessionem Canoniciatus, ut plene probat *Barbos. de Offic. & potest. Episc. allegat. 61. num. 20.*, & *de Canonic. cap. 17. num. 5.*, prout ita fuisse decusum a Sac. Rotae Auditorio in *Varnien. Canoniciatus 12. Iunij 1608. coram Sacrato*, ut testatur *Barbos. ad Sac. Concil. Trident. dicto sess. 24. cap. 12. de reformat. num. 29.*

Sed cessat omni difficultas, quia ad hoc ut possint denegari fructus Possessori sub pretextu, quod non emisit fidei professionem, necesse est, ut praecedat Sententia condemnatoria, seu declaratoria, quod Canonicius non fecerit fructus suos ex quo fidei professionem non emisit, ut in puncto probat *Navar. conf. 3. num. 1. de summa Trinitate in antiquis Sanchez. in precept. decalog. tom. 1. lib. 2. cap. 5. num. 10.*, *Castropal. tract. 4. de fid. dispus. 1. punct. 19. num. 16.*, *Barbos. de Episc. alleg. 61. num. 28.*, cumque propterea Principalis neque ab Archiepiscopo Toletano requisitus fuerit, ut doceret emisisse fidei professionem, multoqueminus dictus Archiepiscopus Sententiam declaratoriam protulerit super incursu dictae poenae, utque Capitulum, neque sub hoc pretextu poterit effugere fructuum solutionem post extraditam possessionem.

Multo minus obstat secundum diffugium, quod scilicet de mense Iunij 1724. coram R. P. D. Gamaches terminata fuerit lis median- te expensarum taxatione, quodque proinde Principali non debeantur fructus a mense Iulij 1724. usque ad mensem Augusti 1725. de quo tempore se contulit in Cinitate Murtiae ad exercendum munus Inquisitoris cum dicto tempore videatur abfuisse sine iusta causa.

Obiectum etenim cessat in facto, & in iure. Cessat quidem in facto, quia lis adhuc pendebat, seu illius reliquiae non solum, quia Reuerendissimum Capitulum Aduersarium non paruerat litteris exequutorialibus, & proinde relaxatae fuerant a Reuerendissimo Ponente aliae litterae declaratoriae ob non paritionem, ideoque non

non cessabat causa litis, ad effectum, ut Principali posset de iure in Vrbe pro defensione litis moram trahere, & fructus, & distributiones lucrari, ut firmat *nostra Decisio S. Undique in fin.* proinde in puncto resolutum fuit à *Rot. cor. Benincasf. dec. 241. n. 6.* & *dec. 299. n. 7.* & licet Capitulum obtemperauerit litteris exequutoriis illius, quoad fructus, decursos de mense Nouembris 1724. nihilominus adhuc Commissarius Rmni Capituli, qui in Vrbe commorabatur promouebat instantias pro deputatione Congregationis particularis ad effectum cognoscendi de iustitia Sententiarum huius ius Supremi Tribunalis, & proinde pendente adhuc hoc Iudicio coram Auditore Sanctissimi poterat Principalis propter causam litis in Vrbe commorari pro defensione sui Canoniciatus, & honoris suae familiae.

Non obstante, quod Principalis habebat Defensores, qui sua iura poterant tueri ad effectum ne concederetur dicta Congregatio, nam tunc non dicitur, quis legitimè abesse, & permanere in Curia ratione litis, quam habet super Canoniatu, ex quo illam prosequi possit per suos Procuratores solum procedit in casu quo agitur de re levis momenti, secus est in casu quo agitur de defensione sui Canoniciatus, & defensione honoris suae familiae, tunc enim pro sola defensione Canoniciatus ius permittit, ut possit abesse, & in Curia residere, & lucrari fructus, & distributiones sui Canoniciatus, prout est *Text. express. in cap. ex parte il. 2. de Clericis non resid.*, & probat *nostra Decisio S. Undique*, & multo magis quia Principalis continuauit suam moram in Vrbe tam pro defensione sui Canoniciatus, quam pro defensione honoris sui, & suae familiae ad effectum impediendi, ne causa iam sopitam per rem indicatam huius Sac. Tribunalis restauraretur mediante deputatione Congregationis particularis, & proinde legitima fuit illius permanentia vsque ad mensem Maij 1725.

Dicitur exaduerso Principali non deberi fructus, & emolumenta vestiarij, & similium, soluenda post annum, nam est ideata questio, soluat enim Capitulum totum id, quod est liquidum, & si emolumenta vestiarij non debeantur, id debet probare Capitulum post factam solutionem liquidatorum, & probet in actum non deberi fructus vestiarij, & aliae praetensiones, quia ista disputanda sunt in alio Iudicio, quando Reuerendissimum Capitulum iustificabit pro declaratione, an sit sufficienter paritum; soluat itaque Capitulum totum id, quod est liquidum, & incontrouertibile à die captae possessionis vsque ad praesens, & emittat obligationem soluendi in futurum fructus, & distributiones, & in posterum assumetur disputatio, an constet de paritione, vel potius sit danda aggrauatoria.

Neque potest esse locus subscriptioni Dubij exaduerso prætensi
quoniam tunc esset locus disputationi dicti Dubij, quoties Ca-
pitulum in actis fecisset actum paritionis, soluisset, seu deposuis-
set fructus liquidos, & prætenderet aliquos esse illiquidos, tunc
locus esset subscriptioni Dubij petiti, prout practicatum fuit
in Calaguritana exaduerso allegata: At Reuereudissimum Capi-
tulum Aduersarium nullam fecit paritionem, fructus liquidos
non persoluit, neque deposuit, nec emisit obligationem soluendi
post factam liquidationem, ideo nequit impedire Declaratoriæ
expeditionem.

Quare &c.

Vitus Angelus Caualletti.

R. P. D.

C O R I

*Toletanae Canonicae super De
ratoria.*

P R O

Illmo D. Iosepho Fernandes Iuber
quisitore Regi Murtae, & Canon
Toletano.

C O N T R A

Rmum Capitulum Toletanum.

~~~~~

*Responsio.*

~~~~~

Typis Zinghi, & Monaldi 1777